

extremement touchés dans leur maladie: La premiere est lexemple de patience dans St. Loüis Roy de france qui fut attaqué avec son armée de peste. La 2^{de}. est la veüe de leurs propres defordres lors que ie leur disois que Dieu en bon pere les chastioit par cette maladie pour les faire satisfaire pour leurs pechez, et que bien loin destre bruslez en enfer comme ils Lauoient merité par tant diurongnerie, Dinpuretez de paroles fales Dieu les mettroit dans son paradis, et les y recompenseroit de tous les actes de patience quils faisoient maintenant, aussy vne bonne partie des penitences données aux malades qui ce confessoient estoit de faire doucement des actes damour de Dieu de douleur de Lauoir offensé, et doffrande à Dieu de leur maladie Lvn par exemple apres sa Confession disoit a Dieu dix fois. Je vous ayme mon Iesus. Je suis mary de vous auoir offence, ie vous offre ma maladie ie suis content destre malade, que ie ne brusle point Eternellement dans LEnfer. Lautre qui estoit vn peu plus fort faisoit vingt fois ces actes et ain sy du reste. Je le faisois faire moy mesme a ceux qui nestoient pas baptisez, et leur faisois ajouter des actes de desir du St. baptesme. de tous ceux qui ne sont pas baptisez ie nen ay veu que deux ou trois faire au Commencem^t. ces actes assez froidement, mais ils me paroissent bien changés depuis pres d'vn mois. ie vous auoie que de temps en temps me voyant sy occupé aupres de ces malades ie benis Dieu dauoir enuoyé cette maladie, car sy elle nestoit arriuée Iauois bien sujet daprehender quau retour de La guerre la plus part de ceux qui ne sont pas baptisez et qui estoient sy peu Instruits ne meussent donné autant de peine par